

UGOVORNE STRANE:

1. Veterinarski fakultet u Sarajevu (u daljem tekstu: Fakultet), kojeg zastupa dekan prof.dr. Nihad Fejzić i
2. „Društvo za proizvodnju, trgovinu i usluge Modena doo Konjic; Ribogojilište Glogošnica“, Mostarska do br. 75, Konjic 88400, tel./fax.: 061/706757 (u daljem tekstu: Ribogojilište), kojeg zastupa direktor Ermin Memidžan.

Zaključili su dana _____ godine slijedeći

UGOVOR

o nastavnoj, naučnoj i stručno-tehnološkoj saradnji

I PREDMET I CILJEVI UGOVORA

Član 1.

Svrha ovog Ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog Ugovora će biti slijedeća:

- edukacija studenata Fakulteta putem izvođenja praktične nastave na ribogojilištu;
- ispitivanje i utvrđivanje zdravstvenog statusa ribljeg fonda na ribogojilištu;
- dijagnostički, preventivni i kurativni tretmani u skladu sa planom i programom izvođenja nastavnog procesa;
- stručni savjeti o ishrani, tehnologiji uzgoja vezano za bolesti riba i uputstva za liječenja, preventivna tretiranja te suzbijanje ustanovljenih oboljenja.

II DOPRINOS RIBOGOJILIŠTA

Član 2.

U cilju realizacije ovog Ugovora Ribogojilište se obavezuje da će:

- obezbjediti nesmetan organizovani pristup, boravak i praktičan rad akademskog osoblja i studenata Fakulteta pod nadzorom saradnika Odjeljenja za akvakulturu;
- omogućiti učešće akademskog osoblja i studenata u edukaciji tehnološke proizvodnje riba, kontrole zdravstvenog stanja riba, kontrole proizvodnje kvaliteta i higijenske ispravnosti ribe kao i kontrole ishrane riba po nastavnom planu i programu;
- omogućiti učešće studenata u edukaciji pri dijagnostičkim, preventivnim i kurativnim tretmanima;
- da će osigurati prostorije za pretragu svježeg materijala koje će obavljati saradnici Odjeljenja za akvakulturu;
- redovno pratiti biotehnološku, epizootiološku situaciju i zdravstveno stanje, kao i druge mjere koje preporuče saradnici Odjeljenja i na osnovu dogovora o eventualnim izmjenama blagovremeno izvještavati Odjeljenje za akvakulturu.

III DOPRINOS FAKULTETA

Član 3.

U cilju realizacije ovog Ugovora Fakultet-Odjeljenje za akvakulturu se obavezuje da će:

- izvršiti zdravstveni-klinički pregled riba (adspekcijski pregled, sekcije i mikroskopske pretrage) svih starosnih kategorija riba koje se uzgajaju u Ribogojilištu;
- obavljati dijagnostičke, preventivne i kurativne tretmane u skladu sa planom i programom izvođenja nastavnog procesa;
- davati stručne savjete o ishrani, tehnologiji uzgoja za bolesti riba i uputstva za liječenje, preventivna tretiranja te suzbijanje ustanovljenih oboljenja.

Član 4.

Eventualne finansijske obaveze nastale u realizaciji ovog Ugovor između ugovornih strana će biti regulisane posebnim aneksom.

IV PRIJELAZNE I ZAVRŠNE ODREDBE

Član 5.

Ugovor se zaključuje na period od četiri (4) godine od dana potpisivanja istog, s pravom jednostranog raskida Ugovora od svake ugovorne strane poštivajući otkazni rok od dvadeset (20) dana.

Član 6.

Izmjene ovog Ugovora mogu se vršiti uz saglasnost obje ugovorne strane i to putem aneksa Ugovora.

Član 7.

Eventualno sporna pitanja iz ovog Ugovora ugovorne strane se obavezuju da će sporazumno rješavati, a u slučaju nemogućnosti takvog rješenja ugovaraju nadležnost suda u Sarajevu.

Član 8.

Ovaj Ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

Veterinarski fakultet u Sarajevu

Ribogojilište

Prof.dr. Nihad Fejzić, dekan

Ermin Memidžan, direktor

Broj: 07-04-28-25/17
Sarajevo, 12.4.2017.